



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA

Primljeno:	18.06.2002. godine	
Org. jed.	Broj	Vrijednost
02/1-011-655/02		

Ustavno-pravna komisija

Broj: 02/1-011-655/02

Sarajevo: 18.06. 2002.god.

ZAPISNIK

sa 22. sjednice Ustavno-pravne komisije Doma naroda Parlamentarne skupštine Bosne i Hercegovine, održane 18.06.2002.god.

Sjednica je počela sa radom u 10: 00 sati.

Sjednici su prisustvovali članovi komisije: Ibrahim Spahić, Šefik Džaferović, Nikola Špirić, Ivo Živković i Dragutin Rodić. Sjednici nije prisustvovao član komisije Niko Sušac koji je opravdao izostanak.

Pored članova komisije sjednici su prisustvovali predstavnici Vijeća ministara BiH i predstavnik Međunarodne pravne grupe, kao i sekretar Ustavno-pravne komisije Doma naroda Aljoša Čampara.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Ibrahim Spahić. Za sjednicu je predložen i jednoglasno usvojen sljedeći

DNEVNI RED :

1. Usvajanje Zapisnika sa 20-te i 21. sjednice Ustavno-pravne komisije Doma naroda;
2. Zakon o Agenciji za rad i zapošljavanje BiH – predlagač Vijeće ministara BiH;
3. Zakon o upotrebi i zaštiti naziva BiH- predlagač Vijeće ministara BiH;
4. Zakon o izmjenama i dopunama Zakona o Vijeću ministara BiH i ministarstvima BiH- predlagač delegat Ibrahim Spahić;
5. Zakon o izmjeni Zakona o industriskom vlasništvu u BiH – predlagač Vijeće ministara BiH;
6. Zakon o odlikovanjima BiH – predlagač Vijeće ministara BiH;
7. Zakon o ravnopravnosti i jednakopravnosti spolova u BiH – predlagač Vijeće ministara BiH;
8. Tekuća pitanja.

Ad.1. Usvajanje Zapisnika sa 20-te i 21. sjednice Ustavno-pravne komisije Doma naroda.

Zapisnik sa 20-te i 21. sjednice Ustavno-pravne komisije Doma naroda Parlamentarne skupštine BiH usvojen je jednoglasno, bez primjedbi.

Ad.2. Zakon o Agenciji za rad i zapošljavanje BiH – predlagač Vijeće ministara BiH.

U raspravi o ovoj tački dnevnog reda učestvovali su svi članovi komisije kao i predstavnici Vijeća ministara BiH. Komisija je sa tri glasa Za i dva glasa Protiv, u osnovnom zakonodavnom postupku komisijske faze odlučila da je zakon podnešen od ovlaštenog predlagača i da je u skladu sa Ustavom BiH, te ga upućuje u dalju poslovničku proceduru.

Ad.3. Zakon o upotrebi i zaštiti naziva BiH- predlagač Vijeće ministara BiH.

Komisija je u osnovnom zakonodavnom postupku komisijske faze sukladno odredbama Poslovnika Doma naroda član 78.2. I 79.1., jednoglasno konstatovala da je zakon podnešen od ovlaštenog predlagača i da je u skladu sa Ustavom BiH.

Ad.4. Zakon o izmjenama i dopunama Zakona o Vijeću ministara BiH i ministarstvima BiH- predlagač delegat Ibrahim Spahić.

Ustavno-pravna komisija Doma naroda je jednoglasno zaključila da je zakon podnešen od strane ovlaštenog predlagača i da je u skladu sa Ustavom BiH.

Ad.5. Zakon o izmjeni Zakona o industriskom vlasništvu u BiH – predlagač Vijeće ministara BiH.

U raspravi o ovoj tački dnevnog reda niko od članova komisije nije učestvovao. Amandmana na Zakon nije bilo. Komisija je kao nadležna komisija jednoglasno prihvatila Zakon o izmjeni zakona o industriskom vlasništvu u BiH, te ga dostavlja Domu naroda Parlamentarne skupštine BiH na usvajanje.

Ad.6. Zakon o odlikovanjima BiH – predlagač Vijeće ministara BiH

U raspravi o ovoj tački dnevnog reda učestvovalisu svi članovi komisije. Komisija je raspravljala zakon kao nadležna komisija sukladno članu 79.2. Poslovnika Doma naroda. Amandmane na zakon uložio je delegat Momčilo Novaković koji su odbijeni od strane komisije. Prihvaćen je Amandman delegata Nikole Špirića, Šefika Džaferovića, Ive Živkovića i Dragutina Rodića koji je postao sastavni dio teksta zakona i koji glasi: Amandman I – U članu 12. stav 1. druga alineja iza riječi: “Udruženje građana” dodaju se riječi: “na nivou BiH, entiteta, kantona i općina”. Komisija upućuje tekst zakona sa usvojenim amandmanom prema Domu naroda na usvajanje.

Ad.7. Zakon o ravnopravnosti i jednakopravnosti spolova u BiH – predlagač Vijeće ministara BiH.

Ustavno-pravna komisija Doma naroda je raspravljala ovaj zakon kao nadležna komisija u skladu sa članom 79.2. Poslovnika Doma naroda. Amandmane na tekst Zakona uložili su delegati Seljudin Tokić i Momčilo Novaković. Komisija nije prihvatila nijedan amandman. Komisija je u osnovnom zakonodavnom postupku komisijske faze prihvatila tekst zakona kako je stigao od strane predlagača i upućuje ga u dalju proceduru prema Domu naroda.

Ad. 8. Tekuća pitanja

Pitanja nije bilo.

Komisija je završila sa radom u 12:00 sati.

Sekretar komisije
Aljoša Čampara s.r.

Predsjedavajući Komisije
Ibrahim Spahić s.r.